

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), a u vezi sa članom 112. stav 1. Poslovnika Skupštine Zeničko-dobojskog kantona (“Službene novine Zeničko-dobojskog kantona”, broj 7/12), razmatrajući Inicijativu Općinskog vijeća Zenica, broj: 12-02-12607/13 od 05.06.2013. godine, za donošenje Zakona o izmjenama i dopunama Zakona o komunalnim djelatnostima Zeničko-dobojskog kantona (“Službene novine Zeničko-dobojskog kantona”, broj 17/08), na prijedlog Ministarstva za prostorno uređenje, promet i komunikacije, Vlada Zeničko-dobojskog kantona, na 141. sjednici, održanoj dana 19.12.2013. godine, d o n o s i

## ZAKLJUČAK

### I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Općinskog vijeća Zenica, broj: 12-02-12607/13 od 05.06.2013. godine, za donošenje Zakona o izmjenama i dopunama Zakona o komunalnim djelatnostima Zeničko-dobojskog kantona (“Službene novine Zeničko-dobojskog kantona”, broj 17/08).

### II.

Stav Vlade o Inicijativi iz tačke I ovog zaključka upućuje se Skupštini Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_/13.  
Datum, 19.12.2013. godine  
Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,  
1x Stručna služba Skupštine,  
1x a/a.

Na osnovu člana 112. stav 1. Poslovnika Skupštine Zeničko-dobojskog kantona-Prečišćen tekst ("Službene novine Zeničko-dobojskog kantona", broj:7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje

## MIŠLJENJE

o inicijativi Općinskog vijeća Zenica za donošenje Zakona o izmjenama i dopunama Zakona o komunalnim djelatnostima ("Službene novine Zeničko-dobojskog kantona", broj:17/08), tako što bi se u Poglavlju tri-Osnove i mjerila za određivanje komunalne naknade izmijenili članovi 24. do 30. s posebnim akcentom na tabelu u članu 27. stav (1) Zakona ili stavili van snage, a umjesto tih odredaba ugradila odredba kojom bi bilo dato ovlaštenje općinskim vijećima da donesu mjerila i kriterije za utvrđivanje komunalne naknade.


Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra da predmetna inicijativa nije osnovana iz slijedećih razloga:

U Poglavlju tri Zakona o komunalnim djelatnostima-Osnove i mjerila za utvrđivanje komunalne naknade u odredbama članova 24. do 30., propisan je način utvrđivanja komunalne naknade koji primjenjuju nadležne općinske službe na području Zeničko-dobojskog kantona prilikom utvrđivanja visine komunalne naknade.

Odredbama člana 30. Zakona, propisano je da vrijednost boda komunalne naknade utvrđuje Općinsko vijeće na osnovu programa finansiranja komunalne djelatnosti, a da se vrijednost boda komunalne naknade utvrđuje posebnom Odlukom najkasnije do 31.decembra tekuće godine za narednu godinu, a ako se vrijednost boda komunalne naknade ne utvrdi u propisanom roku, visina komunalne naknade ostaje nepromijenjena.

Iz citiranih odredaba Zakona o komunalnim djelatnostima proizilazi da Općinska vijeća svojim odlukama utvrđuju visinu vrijednosti boda koji bitno utiče na visinu komunalne naknade koja se izračunava primjenom tabele iz člana 27. Zakona, tako da su navodi iz Inicijative neosnovani jer je općinskim vijećima ostavljena mogućnost da svojim odlukama utiču na finansijska opterećenja obveznika komunalne naknade.

Dio Inicijative u kojem se alternativno predlaže da se odredbe članova od 24. do 30. Zakona o komunalnim djelatnostima stave van snage i općinskim vijećima da ovlaštenje da donesu mjerila i kriterije za utvrđivanje komunalne naknade uvažavajući stepen urbanizacije općina, a što proizilazi iz ovlaštenja općine utvrđenih Zakonom o principima lokalne samouprave u Federaciji BiH, je neosnovan iz razloga što Zakon o principima lokalne samouprave u Federaciji BiH, nije materijalni propis za utvrđivanje finansijskih obaveza za građane i pravne subjekte, s obzirom da za to postoji materijalni propis kao što je Zakon o komunalnim djelatnostima ili Zakon o građevinskom zemljištu.



MINISTAR

Edin Terzić

Na osnovu člana 22. tačka 2. Statuta općine Zenica («Službene novine općine Zenica», br.4/08) Vijeće općine Zenica na svojoj 8. sjednici održanoj 30. maja 2013. godine, donijelo je

**ZAKLJUČAK**  
**o pokretanju inicijative za izmjene i dopune Zakona o komunalnim djelatnostima Zeničko-dobojskog kantona**

ZENIČKO-DOBOJSKI KANTON			
05-06-2013			
Šifra	Redni broj	Broj prijave	
02	02	12607/13	

Pokreće se inicijativa za izmjene i dopune Zakona o komunalnim djelatnostima Zeničko-dobojskog kantona («Službene novine ZE-DO kantona», br. 17/08).

Izmjene odnosno dopune Zakona trebalo bi da obuhvate slijedeće:

«Poglavlje III. Osnove i mjerila za određivanje komunalne naknade» (članova 24. do 30) s posebnim akcentom na tabelu u članu 27. stav 1. Zakona.

Eventualnim izmjenama člana 27. stav 1. trebalo bi stvoriti pretpostavke za ravnomjerniju distribuciju opterećenja subjekata/obveznika plaćanja komunalne naknade, te realnije tretiranje proizvodnih prostora jer bi primjena postojeće norme dovela do nerealnog finansijskog opterećenja pojedinih subjekata.


• Vrijednost komunalne naknade obračunate na osnovu broja bodova iz tabele u članu 27. Zakona bi u nekim slučajevima bila uvećana i do 20. puta. Takav način je u trenutnoj situaciji neprihvatljiv iz kog razloga je ta norma neprovodiva.

Druga mogućnost je stavljanje van snage odredaba članova 24. do 30. Zakona, a umjesto tih odredaba bila bi dovoljna odredba kojom bi bilo dato ovlaštenje općinskim vijećima da donesu mjerila i kriterije za utvrđivanje komunalne naknade uvažavajući karakteristike i stepen urbanizacije općina, a što proizilazi iz ovlaštenja općine utvrđenih Zakonom o principima lokalne samouprave u Federaciji Bosne i Hercegovine i što je potvrđeno i presudama Vrhovnog suda Federacije BiH.

II

Ovaj zaključak stupa na snagu danom donošenja.

Broj: 01-01-9861/13  
Zenica, 30. maj 2013. godine



PREDSJEDAVALA  
VIJEĆA OPĆINE ZENICA  
Nebojša Nikolić

DOSTAVLJENO:

1x Načelnik općine,

1x Vlada ZE-DO kantona,

1x Ministarstvo za prostorno uređenje, promet i komunikacije i zaštitu okoline ZE-DO kantona,

1x JP za prostorno planiranje i uređenje grada "Zenica" d.o.o. Zenica,

1x Služba za komunalne poslove i ekologiju,

1x Stručna služba Vijeća i Načelnika